

**1. Yo pral mete disponib règleman ak pwosedi pou asire aparèy enfòmatrik pou elèv yo oswa lòt mwayen kote elèv pral patisipe nan enstriksyon senkwonize. Règleman ak pwosedi pou asire elèv k ap resevwa aprantisaj adistans dapre ka ijans pral gen aksè koneksyon entènèt.**

a. Aksè nan Aparèy elektwonik

DOE gen pwosedi pou kontwòle aparèy elektwonik yo bay epi asire yo ke elèv ki bezwen yon aparèy pou gen aksè nan aprantisaj adistans ka jwenn youn. Direktè yo ka jwenn aksè nan enfòmasyon sou tranzisyon pou soti nan aprantisaj adistans sou sitwèb entèn DOE a. Si yo bezwen lòt aparèy elektwonik anplis pou elèv, lekòl yo ka mande aparèy ki gen finansman onivo santral oswa, si pa gen okenn aparèy elektwonik ki rete nan envantè santral DOE a, yo pral bezwen achte aparèy ak lajan lekòl yo atravè kontra DOE oswa kowòdone yon prè aparèy elektwonik pou elèv la pou yon ti tan.

Depi 2020, nou te achte ak distribye apeprè 550,000 iPad ak 200,000 Chromebook bay elèv ak lekòl yo pou elèv yo itilize. NYCPS pral kontinye bay elèv ki mande aparèy elektwonik.

b. Aksè nan Entènèt

Lekòl leta Vil Nouyòk gen règleman ak pwosedi pou bay elèv yo aksè nan entènèt nan ka ta gen yon ijans pou lekòl fèmen. Nan tout limit posib, DOE ap sipòte elèv ak fanmi ki gen aksè entènèt lakay yo. Kote sa pa posib, DOE ap travay avèk patnè kominotè yo pou jwenn pwen aksè Wi-Fi pou elèv ak fanmi pou yo patisipe nan aprantisaj adistans.

Sèvis LTE pou kèk aparèy elektwonik DOE bay ap rete anvigè omwen jiska desanm 2023. Ansuit, elèv k ap itilize aparèy sa yo ap bezwen fè tranzisyon nan sèvis entènèt san fil. Y ap bay lekòl yo enstriksyon pou avize elèv yo sou chanjman sa a, epi pou ede fanmi yo pou jwenn aksè nan youn nan divès opsyon gratis oswa bon mache pou gen aksè Wi-Fi.

DOE planifye pou itilize repons Sondaj fanmi sou ekite dijital (Digital Equity Family Survey) la pou ede lekòl yo idantifye fanmi ki pa gen aksè nan Wi-Fi lakay yo.

Sitwèb DOE ap rezime plizyè opsyon gratis oswa bon mache kote yo ka jwenn sèvis entènèt san fil. Anplis, plis pase 200 shelter pou moun sanzabri atravè Vil Nouyòk gen sèvis entènèt san fil epi [Big Apple Connect](#) ap asire moun ki abite nan NYCHA yo gen aksè entènèt gratis, rapid, fyab ak ansekirite.

Y ap bay lekòl yo enstriksyon pou pataje enfòmasyon sa a avèk fanmi epi ede yo enskri pou opsyon ki pi bon dapre sityasyon yo. Nou prevwa fanmi ki pa gen aksè Wi-Fi lakay yo pral kapab jwenn Wi-Fi gratis oswa a bon mache atravè youn nan opsyon sa yo. Si opsyon sa yo pa ka mache, lekòl yo ka achte epi bay hotspot san fil (wireless hotspots) ki gen LTE aktive pou fanmi ki bezwen yo, atravè kontra DOE ki egziste deja, si sa posib.

**2. Atant pou manm estaf lekòl yo sou pwopòsyon tan yo pase nan enstriksyon senkwonize ak sa ki pa senkwonize nan jou aprantisaj adistans nan ka ijans ak yon atant enstriksyon ki pa senkwonize se yon sipleman enstriksyon senkwonize.**

Yo egzije pwofesè ki nan lekòl ak founisè sèvis ki ede ak andikap (related service) pou kreye salklas dijital sou yon platfòm DOE apwouve epi yo dwe konekte l ak tout elèv yo gen sou kont yo. Nan ka yon fèmti lekòl, y ap mande pwofesè lekòl ak lòt founisè sèvis obligatwa yo pou pase nan aprantisaj adistans senkwonize atravè salklas dijital la. Manm estaf lekòl yo ka gade (Gid règleman travay Salklas dijital, Labor Policy Guidance Digital Classroom) 2023-2024 la ki disponib nan sitwèb entèn DOE a.

**3. Yon deskripsyon sou fason enstriksyon an pral fèt pou elèv sa yo kote enstriksyon adistans atravè teknoloji dijital pa disponib oswa apwopriye.**

Pwen teknoloji lekòl la, pwofesè ak parapwofesyonèl kontakte fanmi lè yo bezwen pou asire elèv yo jwenn aksè nan teknoloji ki lakay yo pou konekte nan enstriksyon. Pou elèv aprantisaj adistans lan atravè teknoloji dijital pa apwopriye, yo atann pou pwofesè yo voye materyèl fanmi lakay yo epi ki aksesib pou elèv yo tankou pake travay reyèl, materyèl yo ka itilize men yo pou sèvi avèk yo, liv, etc. Elèv ak moun k ap bay swen ka itilize materyèl sa yo yon fason ki pa senkwonize. Lè sa apwopriye, pwofesè yo ka travay tou 1:1 pou ede elèv yo nan sesyon ki pa peryòd enstriksyon senkwonize klas konplè pou ede yo jwenn aksè nan enstriksyon lè y ap itilize estrateji ak materyèl fanmi ak/oswa bay 1:1 parapwofesyonèl pou sipòte pratik/ranfòsman konpetans yo aprann pandan aprantisaj adistans. Pwen teknoloji lekòl yo pral kenbe yon liy kominikasyon ouvè ak fanmi yo pou ede yo, lè nesèsè, ak pwoblèm teknoloji ki ka rive.

**4. Yon deskripsyon fason yo pral ofri edikasyon espesyal ak related services pou elèv ki gen andikap ak elèv preskolè ki gen andikap, jan sa aplikab, dapre pwogram edikasyon endividyèl ( individualized education programs, IEP) yo pou asire yo kontinye jwenn yon edikasyon leta gratis aki apwopriye.**

Yo atann pou pwofesè ak founisè related service pase nan aprantisaj adistans senkwonize nan ka yon fèmti lekòl. Manm estaf lekòl yo ka gade (Gid règleman travay Salklas dijital, Labor Policy Guidance Digital Classroom) 2023-2024 la ki disponib nan sitwèb entèn DOE a.

Dapre IEP yo, yo pral ofri edikasyon espesyal ak related services pou elèv ki gen andikap elèv preskolè pandan aprantisaj adistans atravè yon konbinezon opòtinite aprantisaj senkwonize, sesyon enstriksyon endividyalize pou pratike konpetans ak estratejik ap kondui nan travay aprantisaj menm lè timoun lan lakay. Yo atann pou founisè Related Services yo kenbe orè sèvis avèk elèv yo atravè sesyon adistans yo nan limit ki posib. Founisè OT, PT ak founisè sèvis langaj yo ap bezwen jwenn konsantman paran pou bay Related Services adistans. Y ap adrese objektif IEP yo nan chak sesyon sèvis ki ede avèk bezwen espesyal adistans. Si yo bezwen aprantisaj adistans sou yon peryòd pwolonje, founisè Related Services ap rete aksesib epi y ap kominike avèk fanmi ak elèv yo atravè platfòm kominikasyon ki apwouve sou yon baz konsistan.

**5. Pou distri lekòl ki resevwa asistans fondasyon, kantite èdtan yo enstriksyon yo estime distri lekòl la vle reklame pou Èd eta a pou chak jou yo pase nan aprantisaj adistans akoz ka ijans dapre seksyon 175.5 Chapit sa a.**

Kantite èdtan enstriksyon adistans la ap reflekte kantite èdtan yo bay pou aprantisaj nan lekòl. Pou elèv ki nan klas kindergarten aplanan ak klas 1ye jiska sizyèm ane, DOE vle reklame 5 èdtan pa jou, epi pou elèv ki nan klas 7yèm rive nan 12yèm ane, DOE vle reklame 5.5 èdtan pa jou.